



PCN ta kumpra Hotel Central na Boneiru

Stichting Pensioenfonds Caribisch Nederland (PCN) resientemente a keda kla ku kompra di Hotel Central di 20 kamber den sentro di Kralendijk, Boneiru. Den e edifisio akí tin tambe un café/restaurant i un espasio komersial.

Hotel Central, manera e nòmber mes ta bisa, ta keda hopi sentral i ta gustá serka tantu biaheronan di negoshi regional/internashonal, komo turistanan.

Direktiva di PCN ta entusiasma ku e kompra: “PCN a yega di ekspresá kaba ku lo keda invertí aktivamente riba e tres islanan BES. E kompra akí na Boneiru ta pas bon den nos maneho di invershon lokal. Banda di un rendimentu positivo ku kier logra, pa PCN ta hopi importante pa duna un aporte ekonómiko i sosial na komunidad di Boneiru.”

Eksplotashon di e hotèl lo ta den man di MVSG Group, un empresa boneriano, ku ta konsistí di un grupo di ‘young professionals’. MVSG a keda selektá entre otro pa su pashon i enfoke pa modernisá Hotel Central, pa kua den futuro lo ofresé fasilidatnan nobo pa por duna kada wéspet un eksperensia optimal.

“Hotel Central tin tur kos den dje pa transformá bira un hotèl modioso i teknológikamente avansá, kombiná ku e ‘vibes’ di e Boneiru moderno. Nos ta orguyoso ku PCN a selektá nos komo partner i nos ta kombensí ku komo tim nos por ofresé Hotel Central un futuro bon i modernisá”, segun Ginuervel Roach, un di e dirigentenan di MVSG.

Denter di poko PCN lo invertí den energia duradero na Hotel Central pa sostené Boneiru su Blue Destination. Mas update al respekto lo sigui despues.

Websites:

www.pensioenfonds-cn.com

www.centralhotelbonaire.com